



## **KOMUNIKADO**

*Fecha:*  
12 di novèmber 2018

*Persona di Kontakto:*  
Guiselle Giterson

*Email:*  
Guiselle@GGcur.com

*Telefòn:*  
523-4013

### **Programa di Urgensia den kolaborashon ku Centrale Bank van Curaçao en Sint Maarten, BDO Dutch Caribbean i Fundashon Negoshi Pikiña ta lansa Siman di Sèn 2018 na St. Jozef VSBO.**

WILLEMSTAD – Djaluna 12 di novèmber Programa di Urgensia den kolaborashon ku Centrale Bank van Curaçao en Sint Maarten (CBCS), BDO Curacao i Fundashon Negoshi Pikiña den kuadro di Entrepreneurship week ta lansa Siman di Sèn 2018 na St. Jozef VSBO.

St. Jozef VSBO ta e promé skol ku a sigui e lèsnan relashoná ku e proyekto aki, pero den transkurso di e siman entre otro Joseph Civillis VSBO i Maris Stella VSBO tambe lo sigui e lèsnan. E manager di e Programa di Urgensia, sra. dr. Jurenne Hooi, presidente interino di CBCS, sra. Leila Matroos-Lasten, direktor di BDO Dutch Caribbean, sr. Michel Falke tabata presente pa apertura di Siman di Sèn 2018.

Minister President sr. Eugene Rhuggenaat tambe a trese un bishita di sorpresa pa enkurasha e hobennan den kuadro di bai responsabel om ku sen.

Siman di Sèn ta un proyekto ku tur aña ta keda organisá na Hulanda, kaminda tur skol básiko i sekundario ta partisipá. Esaki ta di dos aña ku ta implementá e proyekto tambe na diferente skolnan sekundario na Kòrsou. Profeshonalnan den e mundu finansiero, riba petishon, ta duna kurso i workshopnan grátis na alumnonan di e skolnan partisipante. Ademas, e materialnan ta disponibel grátis pa e lèsnan aki. Kada skol ta risibí un montante pa implementá un proyekto ku ta na benefisio di e skol i su alumnonan.

Huntu ku trahadónan di Centrale Bank van Curaçao en Sint Maarten i BDO Dutch Caribbean, e alumnonan ta siña kon pa traha un presupuesto, kon pa buska fondo pa



## GOBIÈRNU DI KÒRSOU

proyekto, i tambe kon pa hasi un análisis di preis i kalidat. E aña aki tur e kuater skolnan ku ta partisipá ta hanja un donashon di 3000 mil florin di Centrale Bank van Curaçao en Sint Maarten pa hasi algu pa e skol.

Centrale Bank van Curaçao en Sint Maarten, BDO Dutch Caribbean i Fundashon Negoshi Pikiña ta sostené Programa di Urgensia pa implementá proyektonan di edukashon finansiero den e kuater barionan di Programa di Urgensia. Manera ta konosí Programa di Urgensia ta dirigí su mes riba mehorashon di e situashon di biba i traha pa pueblo di Kòrsou, ku e enfoke riba Montaña, Buena Vista, Otrobanda i Barber.

Athunto algun potrèt di e apertura ku a tuma lugá djaluna mainta na St. Jozef.



